

KHOMIŠINARE YA SARS E IKEMIŠEDITŠE GO TŠEA MAGATO MABAPI LE PEGO YA NUGENT

Cape Town, 17 Setemere 2019 – Khomišinare ya Ditirelo tša Motšhelo tša Afrika Borwa (SARS) Edward Kieswetter o boditše Komiti ya Palamente ya go Emela Ditšhelete (SCOF) gore SARS e dirile tšwelopele e kgolo kudu ka go diriša phethagatšo ya dikeletšo tša Khomišine ya Nugent

Khomišinare Kieswetter o tsebišitše komiti gore feme ya tša keletšo Bain e lefetše morago R217-million go SARS. Le ge go le bjale, moeletši wa tša Theknolotši Gartner o ganne go dira bjale le ge go rerišanwe le yena gammalwa.

Ka lebaka la tsela yeo dikhamphani tše di sepedišitšego dikgwebo tša bona go swanetše go lebelelwa gore ba bewa go lenaneo la phepo yeo e thibelwago leo ge eba le a dumelelwa, se se ra gore ba ka se kgone go dira kgwebo le mmušo wa Afrika Borwa.

Go išapele, fao tiragalo ya bosenyi e belaelwago go nyalelana le merero ya Bain leGartner se se šupeditšwe go Lefapha la Dinyakišišo tša Bosenyi bja Pele (Hawks) bakeng sa nyakišišo ya bosenyi.

Ka go tlhagišo ya go tla go SCOF ka ga tšwetšopele yeo e dirilwego ya go phethagatša ditšhišinyo tša Khomišene ya Nugent, Mrn Kieswetter o laeditše šedi ya tšeo di latelago:

- Senthara ya Kgwebo e Kgolo yeo e bego e fedišitšwe e kaonafaditšwe ka leswa go ya ka mokgatlo gomme gabjale e a šoma gape e tlo tlhonga meagong e meswa ka Oktobore;
- Bokgoni bja go Iwantšhana le Kgwebo yeo e e Sego Molaong e tlhomilwe gape ka go karolo ya Tiišetšo ya Molao. Tsepelelo ya pele ya yuniti ye ke go šomana le Bosenyi bja go Beakanywa, go se lefele metšhelo ya dikimi tša Khasom le Motšhelophahlogae go diintasteri tše di latelago. Motsoko, Dikgwebo tša go Rekišetša tše dingwe; Diaparo le Mašela le Dinotagi, magareng ga diintasteri tše dingwe.
- Yuniti ya obamelo e tlhamilwe gape go nolofatša tšwetšopele, phethagatšo ya tebelelo le go bega pholisi ya go obamela le maano a kotsi;
- SARS e tlo thoma gape Yuniti ya Kgoro Tshoko ya Godimo ya Semolao, yeo e arogantšwego ka ditheo tša dilete, tšeo di thibelago ka fao yuniti e sepetšwago gomme se se tla diragatšwa gape ka Oktobore 2019;
- Karolo ya tša Theknolotši (IT) e tsene tšhomong kago tlatša dikgoba tše dikgolo tša motšwaoswere ka diporofesenale tša IT tša maitemogelo;
- Go tlhomagape ga Yuniti ya Tshephagalo yeo e dirago mošomo o bohlokwa kudu ka SARS; le
- Go fana gape ka ditlabelo tša mabokgoni ao a hlokegago bakeng sa karolo ya IT go tla thoma gape moragonyana lenyaga.

Mabapi le go tlogela modiro ga bašomi ba maemo a godimo, pholisi ya khiri e lekotšwegape go dumelela gore kgona go hira sekgobeng saa bašomi bao ba tlogetšego mošomo ka mabaka a go fapana. Bašomi bao ba šuthišeditšwego go mešomo ya go hloka mohlodi ba filwe mešomo ya mehola.

Mrn. Kieswetter o rile o be a dira tekolo ya go šoma ga maloko a dikhuduthamaga EXCO bjale ka ge go laeditšwe ka go dikeletšo tša gape bjale ka moetapele yo moswa go dira tekolo ka moka ya bokgoni bja ketapele. Ditshepetšo tša thupišo tša go ama batho ba itšeng di sa le tseleng. Mola dikopano tša khuduthamaga ya EXCO yeo e lego gona e sa ntše e beetswe thoko, dikopano tše itšeng tša tšhepetšo ka ga phethagatšo ya kgwebo ya SARS e swara le khuduthamaga e kgolo nako le nako.

Dikholego ka moka tša maloko a EXCO le go thwalwa ntle le tumelelo ya tonakgolo di rometšwe go Tonakgolo bakeng sa tekolo le tumelelo go ya ka Karolo 18(3) ya Molao wa SARS.

Mrn. Kieswetter o rile go tloga ka 1 Oktobore 2018, SARS ga esa fana ka tebanyo ya pušetšo ya VAT ya kgwedi ka kgwedi go kgaoletša dipušetšo tšeo di lefetšwego mo kgweding e itšeng. Ka tlhatlolano, pušetšo ya VAT e a lefelwa, e lefelwa ntle le go lebelela tebanyo ya pušetšo ya kgwedi ka kgwedi.

Tsela ye ya phetogo e bakile gore go lefelwe pušetšo ya tlaeletšo ya R30-billion ka ngwaga wa tšhelete wa 2018/19.

Go ya ka ditefišo tša tshenyagelo tša semolao tše di dirilego ke khomišinare ya morago, Mrn. Kieswetter o rile SARS e tšwela pele ka tshepetšo ya go hwetša tšhelete yeo e amegago go akaretša leeto la go se dumelelwe la go ya Russia ka Nofemere 2017 gape le ditshenyagelo tša ditefišo tša semolao tša go nyaka keletšo ka ga molato wa Makwakwa. Palo ya ditshenyagelo tše ke R2 143 167.42.